

水經注匯校

地710.1
886



水經注匯校

光緒辛巳
刊於福州

水經注匯校序

酈安定注水經四十卷其原序絕不詳及桑欽姓字則新唐志以水經爲桑欽撰其說無徵四庫本刪其舊題是也舊唐志又以爲郭璞撰者則因其注而誤也唐以前注水經者凡兩家郭璞注三卷杜君卿謂唐時猶存後遂散失酈注館閣本亡其五卷祇三十五卷蜀本又亡其五卷祇三十卷至何聖從本相傳爲幸復舊第及以太平寰宇記諸書相校逸文多至數百條而涇洛庠沱弱黑諸水全不見於篇北宋以來酈注久殘缺不完所傳四十卷者後人割裂傳合爲之非足本也故經注混淆衍脫譌舛莫從讐正朱謀埠氏在明代最爲博洽箋注十誤五六近代胡朏明氏所著禹貢錐旨當時

水經注匯校

周序

推爲絕學內引水經礫溪條尙沿譌誤至乾隆時

特開四庫館吾鄉戴先生震奉

詔纂修檢取永樂大典水經注舊本鈎稽校勘分別經注通計全書增刪改正至七千二百九十餘言然後經注統貫釐然各當今聚珍板本是也顧東原氏之校上水經注也稽之戴氏年譜事在乾隆三十九年甲午十月先生年五十有二先於乙酉年先生年四十有三始檢校酈氏書灼知經注互譌之故立文定例考定經文訂正註說展轉推求竭八年之力至壬辰已有定本奉

詔入館未及刊行今所傳曲阜孔氏刊本是也夫水經注爲水利有用之書繼莊劉氏以爲經理天下必自西北水利始然則

修舉西北水利必自校覈水經注始矣往者光緒戊寅己卯間晉豫旱荒死亡枕籍擬上書時相及時修復水利以工代賑時在臺灣後山番境文報稽遲緩不及事番務粗平回至郡署發戴氏書孔氏刊本與聚珍板本兩兩參校頗多殊異如聚珍板本經文悉依舊卷詳載校語經注相淆者悉更之孔氏刊本通爲十四冊不分卷數此篇第之不同也經文改定注文循其段落跳行另起刪去校語此體例之不同也以今一百三十有三水每水各爲一篇以河水江水爲綱按地望先後分屬於河江左右爲次此水道次序之不同也其字句違異者共得十餘事孔氏刊本段玉裁以爲卽乾隆壬辰戴氏手定之本雖刊刻在後而校定在先當時先生尙未見

水經注匯校

周序

二

永樂大典舊本聚珍板本卽戴氏在館纂修書也今兩書具在各有同異究以何本爲允若執並行不悖之說則是調停之見也吾浙鄞全謝山氏杭趙東潛氏皆精地理之學研摩酈注各數十年深窺秘奧兩公交好互相參核相傳全氏水經注七校而後成書琦訪求十年未能購獲或謂全書未及刊板今已散失或謂趙書注中夾注之例卽本於全氏全書之精者盡采入趙書中趙書著錄於四庫錢塘梁履繩爲之刊行今核趙書剖析地理校正字句最稱詳晰而更正經注與戴氏書十同九九戴趙兩先生生前未嘗相識所業未嘗相聞而數十年冥心考訂及其成書不侔而合其校正之精確可知也擬更取其不合者而審定之碌碌未暇前歲聞楊

卧雲先生有水經注滙校一書故琦日望其早成而刊行也
辛巳二月琦以守俸屆滿奉調入都候咨於省謁先生於省
寓蒙以滙校本見示并屬爲序言序者緒也序陳此書之緒
也大旨悉載於題識各條中琦庸淺不足以序先生先生之
書亦無事於序也因舉琦近年致力於戴書趙書而惜以海
防緊要案牘旁雜每夜於燭光下互相參校或作或輟時閱
兩年尙未卒業倦懷仕學不勝荒落之感云爾時
光緒辛巳三月朔日倚裝書於福州城南步天校易拜石齋
寓塾績溪周懋琦

水經注滙校

周序

三

水經注匯校題識

吾校水經注官本外凡五家朱鬱儀本何義門本沈沃田本趙東潛本戴東原本也此數本者網羅賅備以前如吳琯諸本近代如孫潛諸本皆經采摭若稗販如黃晟諸本不足言矣

官本一依舊第特多校正又得永樂大典及秘閣儲藏廣爲參訂固極精善戴本則以每水爲一篇又以水道比次爲卷第一水之中更端者提行別之體雖變舊實便尋繹佳本也趙書則因全氏注中夾注之言凡重複徵引者概歸小注是小注與大注幾各居半古人著書無此體例也何氏亦精攷訂兼評文妙沈本攷證不多盡臨季滄葦振宜點圍本專意

水經注匯校

題識

一

文章夫文事深透則一書旨趣精神昭然煥發亦學者宜留心也吾今參用各本以官本爲主注中單一案字者皆官本也更端提行參用戴氏徵引攷證參用朱趙點圍文妙參用何沈間有鄙見以閱案別之

書有不必注者亦有必當注者此書一二僻事若無箋疏殆難凡解又古今地名變易不加梳櫛亦墮雲霧徵引故實朱箋甚備時有綴枝影誤畧之攷證地望趙釋尤覈問傷繁引節之各擇簡明切要者錄之無大關係不屑屑也

古人引書多取大意句字不無增損兩漢而下見各本各異彌難畫一若据前人所引卽便改訂容未盡善吾今一覈文義爲準義可兩通則仍其舊或止增減一二字無大乖舛亦

不輕改本書

河渠遷徙湮廢郡縣變易併析古今不同卽一代之中前後有別況於異代此書多據東漢郡縣亦有沿及魏晉者必欲執班志續志一一符合不合卽改之正之殆不可也今惟礪知傳寫譌變者則改之礪知酈氏錯誤者則正之

南雷病酈氏匆徵神鬼博而寡要此六朝風尙使然然左傳史記卽嘗借此推助波瀾異趣逸情文家不廢此書首卷詳述釋氏誠覺辭費顧漢魏以來有此一教便似天地間多有一物識之亦以見民物之故後世爲地志者何嘗略釋老寺觀門目乎此書据事觀陳微嫌太蔓耳史公爲之翦截必更簡妙

黃氏非專譏首卷茲舉一隅

水經注匯校

題識

二

官本有提要朱趙戴本各有自序何沈本各有識語今竝錄于首繁文節之又朱本有載此書引用書目甚關攷證今具錄之竝錄北史酈傳永樂大典酈氏自序於本書之前酈序官本戴本皆有趙書有附錄二卷皆載古今評論此書亦資學者啓發今略有增損仍附此書之後同治四年正月望後四日江右新城楊希閔鐵備書

四庫全書提要

水經注四十卷後魏酈道元撰道元字善長范陽人官御史中尉自晉以來注水經者凡二家郭璞注三卷杜佑作通典時猶見之今惟道元所注存崇文總目稱其中已佚五卷故元和郡縣志太平寰宇記所引滹沱水涇水洛水皆不見於今書然今書仍作四十卷疑後人分析以足原數也是書自明以來絕無善本惟朱謀埠所校盛行于世而舛謬亦復相仍今以永樂大典所引各按水名逐條參校非惟字句之譌層出疊見其中脫簡有自數十字至四百餘字者其道元自序一篇諸本皆佚亦惟永樂大典僅存蓋時所據猶屬宋槧善本也謹排比原文與近本鉤稽凡補其闕漏者二千一百

水經注匯校

提要

一

二十八字刪其妄增者一千四百四十八字正其臆改者三千七百一十五字神明煥然頓還舊觀三四百年之疑竇一旦曠若發蒙是皆我

皇上耆古右文經籍道盛瑯嬛宛委之秘響然竝臻遂使前代遺編幸逢

昌運發其光于蝨簡之中若有神物攜呵以待

聖朝而出者是亦曠世之一遇矣至於經文注語諸本率多混淆今攷驗舊文得其端緒凡水道所經之地經則云過注則云逕經則統舉都會注則兼及繁碎地名凡一水之名經則首句標明後不重舉注則文多芻涉必重舉其名以更端凡書內郡縣經則但舉當時之名注則兼攷故城之迹皆尋

其義例一一釐定各以按語附於下方至塞外羣流江南諸派道元足跡皆所未經故于灤河之正源三藏水之次序白檀要陽之建置俱不免附會乖錯甚矣至以浙江妄合姚江尤為傳聞失實自我

皇上命使履視盡得脈絡曲折之詳

御製熱河攷灤河攷證諸篇為之抉摘舛謬條分縷擘足永訂千秋耳食沿譌謹錄弁簡端永昭定論又水經作者唐書題曰桑欽然班固嘗引欽說與此經文異道元注亦引欽所作地理志不曰水經觀其涪水條中稱廣漢已為廣魏則決非漢時鍾水條中稱晉甯仍曰魏甯則未及晉代推尋文句大抵三國時人今既得道元原序知竝無桑欽之文則據以

水經注匯校

提要

二

削去舊題亦庶幾闕疑之義爾乾隆三十九年十月恭校上

總纂官侍讀臣紀昀

侍讀臣陸錫熊

纂修官舉人臣戴震

御製題酈道元水經注六韻 有序

酈道元水經注自明至今惟朱謀埠校本行世其文與杜佑通典樂史太平寰宇記所引經注往往不合又多意為改竄殊失本來面目近因哀集永樂大典散見之書其中水經注雖多割裂而按目稽核全文具存尙可彙輯與今本相校既有異同且載道元自序一篇亦世所未見蓋猶據宋人善本錄入茲經館臣排綴成編凡篇目混淆經注相錯者悉加釐訂其脫簡有自數字至四百餘字者亦竝為補正以數百年叢殘缺佚之書一旦復還舊觀若隱有呵護者然亦藝林佳話也因題六韻紀之

檢書斷簡萃全珍自序猶存善長真却以殘山將剩水竟如

御製題水經注 水經注卷首

合浦與延津笑他割裂審無術 永樂大典所載之書類多散入各韻分析破碎殊無體例
是書亦際此完成若有神南北少訛因未到 酈道元仕于北魏雖曾出使關中而足跡未嘗一至塞外故水經注中所載邊地諸水形勢未能盡合即如濡水之源流分合及所經郡縣多有訛舛至江淮以南地屬齊梁道元亦未親履其地詳為考訂祇據傳聞所及襲謬沿疑無怪其說之多盤也 古今略異究堪循悉心編纂誠宜獎觸目研磨信可親設以春秋素臣例足稱中尉繼功人

御製熱河攷

攷水源而不親履其地晰其支派脈絡分合之由雖博綜載籍稽諸故老之流傳不能參互而訂其躋曩或以熱河為濡水之源余固心疑之而未暇深攷夫濡水即灤河自多倫諾爾之北而來其源甚遠又折而東南數百里乃歷喀喇河屯又東南流數十里至鳳凰嶺熱河乃南注會之不應其源反出于此蓋濡自有源而熱河又別有源是不容紊今秋駐山莊遣喀喇沁郡王拉特納錫第內大臣努三往尋熱河之源則得之于察罕陀羅海蒙古語察罕謂白陀羅海謂首蓋以山阜得名其地距熱河二百里而羸流經固都爾呼達巴罕麓蒙古語固都爾呼者伏行達巴罕者嶺也遂名固都爾呼河西南至于中關東茅溝河水自玳瑁溝出

御製文

水經注卷首

一

西南流注之又合而南流賽音郭勒河水

蒙古謂好為賽音河為郭勒自

霍爾霍克

蒙古語謂熟食

達巴罕之三道溝出南流折而南與湯泉

泉出山莊東北湯山

合又西注之三源既匯又西南流沿山莊東北歷

錘峯下山莊行宮內亦有溫泉流出匯之于是始有熱河之名南流折而東復折而南入于灤是則熱河乃會濡水而非濡源審矣酈道元水經注云濡水又東南流武列水入焉其水三川派合西源曰西藏水西南流東藏水注之東藏水出東谿西南流與中藏水合又南右入西藏水故目其川曰三藏川又東南流逕列谿謂之武列水東南歷石挺下層巒之上孤石雲舉高可百餘仞其水合流入濡按道元所言石挺即今錘峯其曰三藏水即今固都爾呼茅溝賽音郭勒三源

則熱河之為武列水無疑第古今異稱今人但知熱河而不知武列耳然所云三川合流之敘則不足据今攷固都爾呼為西源茅溝為中源賽音郭勒為東源西源自北而來先合中源又南始與東源合道元所謂西藏水又豈能越中藏而先與東藏合哉此其敘述錯綜已足滋惑而以中藏為先合東藏則又其顯然大謬者也又如以濡水為經白檀北夫白檀乃今密雲實非濡水所經則誤以漢書地理志之洹水亦名鮑丘水即今潮河為濡又從而傳會之矣蓋徒尙耳食而未親履其地晰其支派脈絡分合之由毋怪乎其舛也或以為熱河既會濡而東入于海則謂之濡源亦無不可何須置辨是大不然夫江淮河濟何一不入于海而皆謂之海可乎昔禹貢載

御製文

水經注卷首

二

導河自積石或以為亦若江之岷山淮之桐柏矣及平定回部乃知河源自葱嶺以東之和闐葉爾羌諸水瀦為蒲昌海即鹽澤蒙古語謂之羅布諾爾伏流地中復出為星宿海蒙古語謂之鄂敦為火敦腦兒者其水在枯爾坤之東昔皇祖遣使窮河源得之于此御製文以記其時回部未入版圖故止及星宿海也至積石始名黃河則大禹所記亦第就目所經見者而言道元又安能以所未經見者而一一詳訂其曲折也耶苟非命使親履其地烏知此之為是而彼之為非乎近勅儒臣輯熱河志故攷其源俾知所從事若夫濡水之源則更俟他日詳攷之

御製灤河濡水源攷證

濡水見史傳者凡五

說文出故安入漆涼者涿郡之濡也廣輿記出易州窮獨山一名聖女水者易

州之濡也竝音儒左傳出高陽者河間之濡也音而三水皆由天津入海此獨石口外之濡讀如難音與灤近其水自永平府之樂亭縣入海與畿內三濡迴不相涉又水經注蒼梧之濡水出永豐縣濡山字亦音儒名亦適相同耳而惟灤河之濡水源遠流長雄于其四酈道元水經注所云出禦夷鎮者也昨歲命方觀承考濡源委亦既繪其梗槩條分縷析而爲之說矣然以漢文訓蒙古語未如同文韻統得字音之正而鄂博之類穿鑿更甚蒙古語謂堆砌石以表祭處爲鄂博方觀承乃書作義較且引鄭氏及詩大雅之言證爲較祭行路神之義鑿而謬矣曾爲鄂博說以正其誤他如們綽克之爲們催達巴罕之爲大堪類此者不可枚舉難一一爲之辨訂也因命嚮導大臣努三挈方觀承所遣同知黃立隆者重循其源以至其委于是二千餘里之灤河曲折分合盡得其實因詳注其地名及諸水之匯流而酈道元歐陽修等竝元史河渠志所載相舛誤者都爲四條攷證如

御製文

水經注卷首

三

左夫江淮河濟中國之四瀆也其理大物博較之灤河濡水不啻倍蓰而禹貢以數語盡之茲注濡水數千言猶有未盡焉古今相去不可及者如此蓋得其簡則足以提要而欲其詳反不免致繁抑以塞外中土語言不同人跡罕至斯固難易所由殊然則就同文韻統會中外而傳濡水之實詎不在此時乎哉

灤河源出獨石口外東北一百餘里巴延屯圖古爾山

山爲興安

正翰自張家口向東至獨石口外爲大山折而西北過上都城入于圍場之海喇堪與興安大嶺相連屬出泉處較興安山梁尤爲特出山陽山陰樹木茂密與他山異信爲四泉湧名山山陽爲民人居址山陰皆察哈爾蒙古游牧地出名都爾本諾爾涓流曲折伏而復現西北經訥克里和洛有小水自東注之又北經哈丹和碩之西噶爾都思台之水

自東注之又曲折西北流至茂罕和碩自都爾本諾爾至此計七十餘里至三

道河自東來匯之其水一出摩霍爾達巴罕一出伊克達巴罕各相距十餘里

一匯為河流始暢又西北流復有二小水一自布爾噶蘇台一

自克爾哈達先後來注之八十里經察罕格爾俗名西涼亭烏蘭

河屯至上都店入多倫諾爾界又北流十餘里經淖海和碩折而東

北二百五十餘里經博洛河屯至庫爾圖巴爾噶遜河屯喀

喇烏蘇自東注之又三十餘里至上都河屯上都即元開平府灤水經其城南故名

上都河察罕諾爾自北注之又六十餘里經什巴延珠爾克

山至察罕鄂博東克伊綳河自東北來匯之河出興安山梁之陽南流伊克

霍爾昆巴罕霍爾昆伊札爾三水自東注之西與海留台河合而為一入于上都河河水倍暢折而東

南流十八里至磴口額爾德尼布拉克自西注之其水經多倫諾爾之

御製文 水經注卷首 四

北又十二里至大河口圖爾根伊札爾河自東北來匯之其水

亦出興安山梁之陽逶迤西南流錫喇札拜自北入又南流

之又西南流摩霍爾伊札爾自東南入之匯注于此又南流

七里沙岱布拉克自西注之又折而西南流二里霍洛圖布

拉克自東注之又九里海拉蘇台河自西注之又一里蒐集

布拉克自東注之又南流一里渾齊布拉克亦自東注之又

十里察罕郭勒自西注之又十一里什巴爾台河自東北注

之其水出伊克空鄂洛鄂傳西為木蘭圍場西界又折而西復折而南八里克籌布

拉克自西注之又十七里經鴈北灘入四旗廳界布爾噶蘇台哈

丹和碩河自西注之又十七里經半壁山又南經大廟灣折

而東復折而西南五十八里頭道河自西注之又二里羅密

塔子亦自西注之轉而東南流三十二里至木廠又折而東

流二十四里經韭菜梁又九十五里經小遼東至瓜地摩霍

爾阿爾善所出之湯泉自南注之又二十七里經西屯庫爾

奇勒河俗名小灤河自北來匯之其水出與安山梁之陽三支分引過托霍隆和洛合為一西南

折而東南會霍來郭勒哈爾渾諸水又噶拜卓索阿魯有拉

克昂阿諸水復先後會自此遂名灤河又二十七里至郭家

屯折而南流四十六里至大對山又折而東復折而南屈曲

行八十餘里至興隆莊入喀喇河屯界南流五十九里經五道河折

而西南流四十九里至張博灣興州河自西北來匯之其源出沙

爾呼山西經土城子折而東流七十餘里經喀喇河屯繞行

東南流伊遜河自此來匯之其水發源圍場內西流經博洛河屯與伊瑪圖河合西南流屈折注此

東南流三十四里至石門又四十七里經鳳凰嶺固都爾呼河自東北來匯

御製文

水經注卷首

之其源出固都爾呼達巴罕西南流與茅溝河合又與賽音郭勒河合三源既匯沿避暑山莊東北其水會茅溝後即

與湯泉合至是行宮內亦有溫泉流出匯之遂名熱河水至此益大折而南流四十三

里白河注之此與發源瑪尼圖達巴罕經密雲縣會潮河之白河異又三十三里老牛

河自東北注之又三十三里至滴水崖南二河自東注之又

十里柳河自西注之又六里車河自西注之又三十餘里至

門子哨入遷安縣界黃花川自西注之又三十二里清河自東注

之又九里豹河自東北注之折而西流二十里經灤河灘又

南流折而東復折而西經楊枝峪又東南流二十一里入潘

家口折而東又折而西十里經走馬哨又二十四里至澈河

橋澈河自西注之又曲折東南流七十餘里至白布店恒河

自西北注之又折而東流十餘里至煤峪口長河自東北注

之又七十三里過平崖子清河自東北注之此與黃花川南之清河異折

而南流二十餘里至峽口蛤螺河自東注之又二十九里過

遷安縣西經黃臺山又二十三里折而東三里河自東注之

其河與二道泉合又南流二十餘里經孤竹城入盧龍縣界又三十五里

至合河口青龍河自東北來匯之其源出特布克入桃林口復有一水自冷口來會之

經永平府城西過虎頭石入于灤河流至此勢益寬大又十一里繞雪峯寺

又二十一里過武山西橫河自西注之又三里至偏涼汀灤入

州又東南流五十六里過定流河入樂亭縣界又三十六里至老

河口灤河故道今涸又西南流二十里至小河崖清河自西北注之

此與黃花川南及平崖子之清河俱異又七里至石家坨灤自此分支名高密河常涸

大雨時仍分流達海折而西南流五十餘里至新橋口入于海自河源

御製文

水經注卷首

六

至此約二千餘里

酈道元水經注云濡水出禦夷鎮東南按禦夷鎮為北魏六

鎮之一其建鎮之所雖不可攷而魏太祖紀云築長城于長

川之西自赤城西至五原延袤二千里又魏世祖破蠕蠕列

置降人于漠南東至濡源西槩五原陰山分六鎮是禦夷居

六鎮之東自獨石口外至開平皆其故地以今所攷上都河

源方向核之道元所言非盡無稽惟云二源雙引夾山西北

流則未能實辨都爾本諾爾為濡水正源而以夾山來會之

三道河誤為濡源雙引其云出山合成一川則即今之茂罕

和碩耳至云又西北逕禦夷故城東其遺跡無可据惟以鎮

北百四十里計之當在今烏蘭河屯之地其餘諸山水雖與

今圖不能悉合然所云又北逕箕安山東屈而東北流似卽今之多倫鄂博圖其云逕沙野西又逕沙野北則似指伊克們綽克至喀喇烏蘇一帶沙磧言之其云三泉鴈次合爲一水注呂泉水則似今之克伊綳河合伊克霍爾昆等三源也云逆流水則似今之伊札爾也云木林山水則似今之海畱台水也云又東盤泉水自西北東南流注濡河則似今額爾德尼布拉克也又所云東南水流迴曲謂之曲河以今圖屈折形勢觀之蓋卽今大河口自此以下道元卽闌入白檀要陽按其地距所云會武列水之熱河境尙七百餘里漢時郡縣安得至此其舛尙何待深辨乎至云濡水又東南逕盧龍塞則爲今之潘家口無疑其云塞道自無終東出渡濡水向

御製文

水經注卷首

七

林蘭陁東至清陁無終爲今玉田林蘭陁蓋今喜峯口清陁卽今冷口卽此以證不特塞垣疆界了然卽田疇引曹操迴軍盧龍塞之處亦可得其大槩矣其自潘家口以內至入海處酈注所記州邑山水雖名稱今昔不同而以志乘訂之皆約略可數而未至大舛蓋道元于諸水源委詢攷綦詳故所言時有相合者惟未嘗親履其地且以漢言誌蒙古山水名目往往傳訛傳會更不免謬以千里則泥古而不知覈實之過也

歐陽修云灤水出炭山東北胡三省通鑑注因之其後陳組綬職方圖攷顧祖禹方輿紀要皆從其說今攷獨石口外無所謂炭山者惟巴延屯圖古爾山據努三云土人名其山爲

黑老山按昔人有謂濡水出黑龍山者龍老音轉承訛黑龍山之言似不爲妄今巴延屯圖古爾山其陽石色黝黑所謂炭山或卽指此而明統志乃以萬全縣南之炭山當之其地距獨石三百餘里則更風馬牛不相及矣

元史河渠志灤水出金蓮川中今獨石口外濡源相近處無所謂金蓮川者按金史地理志云桓州曷里澣東川更名曰金蓮川又元史地理志云世祖命劉秉忠相宅于桓州東灤水北之龍岡中統元年爲開平府五年加號上都卽今之上都河屯正在灤水之北桓州尙在其西攷元周伯琦扈從北行記云至失八兒秃地多泥淖驛路至此相合地多異花有名金蓮花者似荷而黃至察罕腦兒猶漢言白海也歷數驛

御製文

水經注卷首

八

始至桓州又王惲中堂事記云灤野蓋金人駐夏金蓮云云攷其地皆與上都河屯相近失八兒秃當爲什巴爾台蒙古語泥瀆處也在上都西少北察罕腦兒當爲察罕諾爾蒙古語白湖也在上都南少西金蓮川當在什巴爾台察罕諾爾之間元陳孚金蓮川詩云茫茫金蓮川日映山色赭昔人建離宮今存但古瓦蓋金時于此建景明宮爲避暑之所許安仁疏有金蓮千里之外語以距京師道里計之亦相合又今什巴爾台少西北有和洛和山蓋卽金史所謂曷里澣者川在其東去獨石山幾五百里其非濡源明甚周伯琦賦得灤河送蘇伯修詩云清灤悠悠北斗北千折縈環護邦國直疑銀漢天上來金蓮滿川淨如拭蓋灤河先逕金蓮後至上都

伯琦詠灤河而兼及金蓮殆指河流所經言之修元史者直
以爲灤出金蓮川中誤矣

御製文

水經注卷首

九

諸本序題

朱氏謀埒水經注箋自序略曰水經一注誠六朝異書顧傳寫既久錯簡譌字至不可讀間嘗與友人綏安謝耳伯葵原孫無撓商榷校讐十得八九乃援引載籍以爲左券名曰水經注箋萬曆甲寅齊安李公分陝江右損鏹梓之屬太學生李嗣宗董校其事閱五月而告成嗟乎水經一書原本山川而作非有道業名理可味也又非當世博士家言所急也李公一見輒命梓之公之用意蓋深遠矣非規規小識所能測度矣

閱案朱箋刻於萬曆乙卯謝耳伯名兆申孫無撓名汝澄李公名長庚是時定陵黷貨序後一段借以發慨謂貨財

水經注匯校

序題

猶水也水不可壅壅必有禍貨財亦然而歸本於李公刻此書之意在爾時爲有爲而發然于本書無涉故節去之趙氏一清水經注自序略曰水經注日月寢久譌舛實多朱鬱儀中尉起而箋之疑人之所難疑發人之所未發論者以爲三百年來有數之作予愛之重之忘其固陋而爲之釋釋者所以存朱氏之是而弼酈亭之違也善讀是書者追惟古帝降水儆予之心用致地平天成之業而况農田水利之興廢慶流於宗社澤被于生民關中鄭國之渠秦所以卒兼諸侯也塞下宜禾之府漢所以遂威絕域也陳協代龍之堰安平沁口之場智通在我雲雨由人且夫李冰之平溷厓楊渙之開石牛周君光瀧水之勳張景明漳河之績戴籍書之於

今爲烈彼杜君卿不揆顛末橫肆譏評鹵莽威裂斯已過矣
閱案趙書成乾隆十五年刊于五十九年其書體例獨創
在分別大注小注爲自來所未有乃序中一不言及又無
例言殊不可解又書中校改經注混譌之處與官本十同
九九亦屬可疑書刊身後爲梁曜北諸公所校疑有改竄
不盡原本也官本校改經注字句一一注本文下此不爾
者別有朱箋刊誤十二卷詳之也

戴氏震水經注自序曰善長依經附注不言經撰何人今所
傳者又宋之殘本

崇文總目云
此者五卷

後人割裂以傳合四十卷之

數如注文江水又東逕巫縣故城南注譌列爲經遂與前經
文又東過巫縣南割分爲卷唐六典注云水經所引天下之

水經注匯校

序題

二

水百三十七今凡百二十三脫逸十四水蓋在五卷中者也
王伯厚通鑑地理通釋引水經四事惟一事是經餘咸注之
譌爲經者故作書時世益莫能定水經立文首云某水所出
已下無庸更舉而注詳及所納羣川加以采摭故實彼此相
禱則一水之名不得不更端重舉經文敘次所過郡縣如云
又東過某縣之類一語實該一縣而注則沿溯縣西以至于
東詳記所逕委曲經據當時縣治至善長作注時縣邑流移
是以多稱故城經無言故城者也凡經例云過注例云逕以
是推之雖經注相淆而尋求端緒可歸條貫史言善長好學
廣覽奇書故是注之傳或以其綜覈或尙其文辭至於觸類
引申因川源之派別知山勢之逶迤高高下下不失地防取

資信非一端然譌舛既久雖善讀古書如閻百詩顧景范胡
拙明諸子論述所涉猶輒差違斯訂正之不可以已也審其
義例案之地望兼以各本參差是書所由致謬之故昭然可
舉而正之至若四十卷之爲三十五合其所分無復據證今
以某水各自爲篇北方之水莫大於河而河以北河以南衆
川因之得其敘矣南方之水莫大於江而江以北江以南衆
川因之得其敘矣惟以地相連比篇次不必一還其舊庶乎
川渠纏絡有條而不紊焉

閱案戴書刻始乾隆壬辰未竟而 召入京後曲阜孔氏
繼涵爲之竣刊 戴書凡十四卷其以水分篇目存於此
河水一河水二 一河水三 二渠陰溝水坂水獲水睢水

水經注匯校

序題

三

瓠子河^三 汾水晉水文水原公水同過水澮水涑水澗水湛水
沁水清水^四 渭水漆水沮水澆水洛水穀水澗水灑水甘
水伊水^五 淇水蕩水洹水濁漳水清漳水^六 滏水易水巨
馬河聖水灤水灤餘水沽河鮑丘水濡水遼水^{小遼} 淇水^七
濟水汶水^八 淄水巨洋水濰水東汶水膠水泗水沫水
沂水沫水^九 淮水汝水澧水無水觀水濯水潁水灑水溱水
水洧水澮水決水泚水泄水肥水施水^十 江水夷水夏水
澗水溲水^{十一} 漾水潛水羗水涪水梓潼水南沮水漳水
沔水涪水均水丹水粉水清水湍水比水白水蘄水^{十二}
沫水青水衣水若水淹水油水澧水沅水沅水延江水資水湘
水鍾水深水耒水涿水漉水漣水瀏水澗水廬江水贛水

十三 漸江水桓水葉榆河温水存水浪水灘水涯水溱水
斤員水禹貢山水澤地 十四

何氏焯點校本識語云甲戌八月寓臨沂讀三國志畢因裴注而及此書鬱儀中尉非博士家言所急之誚庶可解免然此書攜以自隨已逾一年始得寓目而予於科舉之學未嘗少進恐博士既從而咻之如中尉者又將嗤鄙之耳 又跋後云洪景伯隸釋集善長所載諸碑爲一卷書其後云時無善本雌黃不可妄下當日猶云爾況今日乎 鬱儀中尉于此書不爲無功惜如隸釋及通鑑注之類不加芻求博證耳康熙戊戌八月何焯記

閱案何校此書始康熙甲戌八月初十訖九月十三卒業

水經注匯校

序題

四

每卷後有日記可案也後戊戌八月再跋此書用功可謂勤矣

沈氏大成點校本識語云乾隆己卯暮春從吾友金陵陶蘅圃湘借季滄葦校本寫於蕪城客舍而竟 又一條云庚辰初夏從吳中朱文旂與借何義門先生校本復校於廣陵同觀者休甯戴東原震亦耆古之士也

閱案沈校此書始乾隆己卯春庚辰夏又校一過是歲仲冬又校一過後有一跋述貧病好書結習無要繫去之是書凡三校也

水經注所引書目

尙書

毛詩

韓嬰序詩

春秋三

周官

禹本紀

山海經

穆天子傳

春秋說題辭

春秋考異郵

春秋元命包

春秋命秣序

握河記

洛書

括地圖

河圖視萌編

遁甲開山圖

河圖玉版

榮氏開山圖注

汲郡古文

水經注匯校

書目

汲冢璣語

禮含文嘉

孝經援神契

論語摘輔象

論語撰考讖

河圖括地象

劉熙釋名

管子

淮南鴻烈解

燕丹子

韓詩外傳

國語

戰國策

桓譚新論

應劭風俗通

白虎通

竹書紀年

爾雅

郭緣生述征記

續述征記

釋氏西域記

郭義恭廣志

康泰扶南傳

法顯傳

十洲記

神異經

列異傳

闕駟十三州志

黃義仲十三州記

段國沙州記

魏土地記

晉太康地記

王隱晉書地道記

楊泉物理論

相和雅歌錄

東觀漢記

傅暢晉書

張華博物志

薛瓚漢書注

即漢書註稱臣瓚者

何氏焯曰臣瓚司馬貞又以爲傅瓚而以劉孝標指爲于

瓚志非是李善獻賦洛神賦注中傳瓚姚襄參軍有太原薛瓚

周處風土記

應劭地理風俗記

水經注匯校書目

袁崧郡國志

辛氏三秦記

車頻秦書

漢晉春秋

干寶搜神記

帝王世紀

皇覽

典略

戴延之西征記

何氏焯曰延之名祚見封氏聞見記

晉後略

司馬彪郡國志

桑欽地理志

三齊略記

呂忱字林

漢官儀

武陵先賢傳

陳留風俗傳

圈稱著圈稱東園公後

晏謨齊記

伏琛齊記

袁彥伯竹林七賢傳

盧琳四王起事

郭南中山記

上古聖賢冢地記理善著

王粲英雄記

張顯逸民傳

陸機洛陽記

潘岳關中記

文士傳

徐廣晉記

晉中州記

華嶠漢書

張璠漢記

漢宮記

劉澄之永初記

常璩華陽國志

春秋後傳

述仙記郭著作

玄中記

漢中記

宜都記

從征記

涼土異物記

鄒山記

水經注匯校書目

茂陵書

羅浮山記

樂資九州志卽九州春秋

蔣濟三州論

荊州圖副記

錢唐記

習鑿齒襄陽記

郭仲產襄陽記

應劭十三州記

來敏本蜀論

庾仲雍山水記

袁休明巴蜀志

郭頒世語

嵩山記

鄧德明南康記

裴淵廣州記

范泰古今善言

羅含湘中記

湘州記

王歆始興記

遠公廬山記

劉敬叔異苑

楊氏南裔異物志

王氏交廣春秋

林邑志

竺芝扶南記

劉欣期交州志

交州外域記

南越記

徐幹齊都賦

李尤盟津銘

成公綏大河賦

大夏龍雀銘

張景陽立武觀賦

劉公幹黎陽山賦

蔡邕述征賦

盧諶征艱賦

孫子荆故臺賦

繁休伯避地賦

袁宏北征賦

伏韜北征賦

班叔皮游居賦

魏文帝述征賦

傅遠艱游賦

水經注匯校

書目

庾杲之注楊都賦

何氏焯曰誤以庾仲初為杲之

崔浩注西征賦

傅毅反都賦

崔琰述初賦

張平子溫泉賦

劉公幹魯都賦

左思齊都賦

楊修五湖賦

何氏焯曰修當作泉

應瑒靈河賦

諸葛亮與兄瑾書

諸葛亮與步騭書

孫暢之述征書

習鑿齒與謝安書

唐勒秦土論

孫暢之述書

俞益期旅游南中與韓康伯箋

旌陽先賢書

英記

孫登立陽駿與洛中故人書

何氏焯曰善長生長河外喪亂之餘書籍蓋寡其所
引用儉於劉昭之補郡國也特其所有者自唐以下
又磨滅大半故後人視之猶多異聞新事耳

水經注匯校

書目

五

北史酈氏本傳

酈範字世則范陽涿鹿人也祖紹慕容寶濮陽太守以郡遷
降道武授兗州監軍父嵩天水太守範太武時給事東宮太
武踐阼追錄先朝舊勳賜爵永甯男以奉禮郎奉遷太武景
穆神主於太廟進爵爲子爲征南大將軍慕容白曜司馬及
定三齊範多進策白曜皆用其謀遂表爲青州刺史進爵爲
侯加冠軍將軍還爲尙書右丞後除平東將軍青州刺史假
范陽公範前解州還京也夜夢陰毛拂踝他日說之時人有
占夢者史武進云公豪盛於齊下矣使君臨撫東秦道光海
岱必當重牧全齊再祿營丘矣範笑答曰吾將爲卿必驗此
夢後男如言時鎮將元伊利表範與外賊交通孝文詔範曰

水經注匯校

酈氏本傳

一

鎮將伊利表卿造船市玉與外賊交通規陷卿罪窺覲州任
有司推驗虛實自顯有罪者今伏其辜矣卿其明爲算略勿
復懷疑還朝卒京師諡曰穆子道元

道元字善長初襲爵永甯侯例降爲伯御史中尉李彪以道
元執法清刻自太傅掾引爲書侍御史彪爲僕射李冲所奏
道元以屬官坐免景明中爲冀州鎮東府長史刺史于勁順
皇后父也西討關中亦不至州道元行事三年爲政嚴酷吏
人畏之姦盜逃於他境後試守魯陽郡道元表立鬻序崇勸
學教詔曰魯陽本以蠻人不立大學今可聽之以成良守文
翁之化道元在郡山蠻伏其威名不敢爲寇延昌中爲東荆
州刺史威猛爲政如在冀州蠻人詣闕訟其刻峻請前刺史

寇祖禮及以遣戍兵七十人送道元還京二人竝坐免官後
爲河南尹明帝以沃野懷朔薄骨律武川撫冥柔立懷荒禦
夸諸鎮竝改爲州其郡縣戍名合準古城邑詔道元持節兼
黃門侍郎馳驛與大都督李崇籌宜置立裁減去留會諸鎮
叛不果而還孝昌初梁遣將楊州刺史元法僧又於彭城反
叛詔道元持節兼侍中攝行臺尙書節度諸軍依僕射李平
故事軍至渦陽敗退道元追討多有斬獲後除御史中尉道
元素有嚴猛之稱權豪始頗憚之而不能有所糾正聲望更
損司州牧汝南王悅嬖近左右丘念常與卧起及遷州官多
由於念念常匿悅第時還其家道元密訪知收念付獄悅啓
靈太后請全念身有勅赦之道元遂盡其命因以劾悅時雍

水經注匯校

酈氏本傳

二

州刺史蕭寶夤反狀稍露侍中城陽王徽素忌道元因諷朝
廷遣爲關右大使寶夤慮道元圖已遣其行臺郎中郭子帙
圍道元於陰盤驛亭亭在岡上常食岡下之井旣被圍穿井
十餘丈不得水水盡力屈賊遂踰牆而入道元與其弟道
二子俱被害道元瞑目叱賊厲聲而死寶夤猶遣斂其父子
殯於長安城東事平喪還贈吏部尙書冀州刺史安定縣男
道元好學歷覽奇書撰注水經四十卷本志十三篇又爲七
聘及諸文皆行於世然兄弟不能篤睦又多嫌忌時論薄之
子孝友龔道元第四弟道慎字善季涉歷史傳有幹局位正
平太守有能名遷長樂相卒贈平州刺史道慎弟道約字善
禮樸質遲鈍頗愛琴書性多造請好以榮利干謁乞匄不已

多爲人所笑弄坎壈於世不免飢寒晚歷東萊魯陽二郡大
守爲政清靜吏民安之範弟道峻子暉字幼和好學有文采
尤長吏幹舉秀才射策高第歷位尙書外兵部行臺長孫承
業引爲行臺郎暉頗兼武用恒以功名自許每進計於承業
多見納用以功賞魏昌縣子暉在軍啟求減身官爵爲父請
贈詔授征虜將軍安州刺史暉後與唐州刺史崔元珍固守
平陽爾朱榮稱兵赴闕暉與元珍不從爲榮行臺郎中樊子
鵠陷城被害所作文章頗行於世撰慕容氏書不成子懷則
司空長流參軍

水經注匯校

酈氏本傳

三

酈道元水經注原序

序曰易稱天以一生水故氣微於北方而爲物之先也玄中記曰天下之多者水也浮天載地高下無所不至萬物無所不潤及其氣流屈石精薄膚寸不崇朝而澤合靈宇者神莫與竝矣是以達者不能測其淵沖而盡其鴻深也昔大禹記著山海周而不備地理誌其所錄簡而不周尙書本紀與職方俱略都賦所述裁不宣意水經雖粗綴津緒又闕旁通所謂各言其志而罕能備其宣導者矣今尋圖訪蹟者極聆州域之說而涉土遊方者寡能達其津照縱髣髴前聞不能不猶深屏營也余少無尋山之趣長違問津之性識絕深經道淪要博進無訪一知二之機退無觀隅三反之慧獨學無聞

水經注匯校

原序

古人傷其孤陋捐喪辭書達士嗟其面牆默室求深閉舟問遠故亦難矣然毫管闕天厯筭時昭飲河酌海從性斯畢竊以多暇空傾歲月輒述水經布廣前文大傳曰大川相間小川相屬東歸于海脈其枝流之吐納診其沿路之所躔訪瀆搜渠緝而綴之經有謬誤者考以正文所不載非經水常源者不在記注之限但縣古芒昧華戎代襲郭邑空傾川流狀改殊名異目世乃不同川渠隱顯書圖自負或亂流而攝詭號或直絕而生通稱枉渚交奇洄湍決復躔絡枝煩條貫系夥十二經通尙或難言輕流細漾固難辯究正可自獻逕見之心備陳輿徒之說其所不知蓋闕如也所以撰證本經附其枝要者庶備忘誤之私求其尋省之易

水經注目錄

卷一

河水

北戎之第一瀆何本注下同

卷二

河水

卷三

河水

卷四

河水

卷五

河水

漂水附

水經注匯校

目錄

卷六

汾水入河

涑水

原公水

晉水入汾

卷七

濟水

北戎之第二瀆

卷八

濟水

卷九

清水入河

沁水入河

澮水入汾

文水入汾

洞過水入汾

湛水入河

淇水入河

蕩水入白溝

恒水入白溝

卷十

濁漳水入河

清漳水入河

卷十一

易水合漳沱入海

滹水

卷十二

聖水入涿

巨馬水入漳沱

卷十三

灤水

代事在此卷

卷十四

水經注匯校

目錄

濕餘水入沽河

沽河入清河

鮑丘水

濡水

大遼水

小遼水入大遼水

涿水

卷十五

洛水入河

伊水入洛

灋水

澗水

卷十六

穀水入洛

甘水入洛

漆水入渭

滹水入霸

沮水入洛

卷十七

渭水入河

卷十八

渭水

卷十九

渭水

卷二十

漾水

西漢水

丹水入沟即浙

卷二十一

汝水

入淮

卷二十二

水經注匯校

目錄

潁水

入淮

洧水

入潁

潁水

入潁

潯水

入潁

渠

卷二十三

陰溝水

入淮

坂水

自通江淮

卷二十四

睢水

入泗

瓠子河

汶水

入沛

卷二十五

泗水

入淮

沂水

入泗

洙水

卷二十六

沅水

淄水入海

濰水會東汶入海

卷二十七

沔水會江入海

卷二十八

沔水

卷二十九

沔水

湍水入滄

水經注匯校

目錄

四

巨洋水

汶水名東汶水

膠水

潛水入江

均水入沔

白水入沔

粉水入沔

比水入滄

卷三十

淮水南戒之第二瀆

卷三十一

淄水入汝

濰水入潁

觀水入汝

澗水入沔

卷三十二

溲水入澗

涪水入河

濯水入汝

濞水入汝

蘄水入江

傳案何本用筆勾
施水於肥水內

決水入淮

泄水入淮

施水入巢湖

漳水入沮

羌水入江

梓潼水入沔

卷三十三

江水南戒之第一瀆

湔水

符里水

鰓部水

泚水入淮

肥水入淮

沮水入江

夏水入沔

涪水入江

涪水入沔

卷三十四

江水

卷三十五

水經注匯校

目錄

江水

卷三十六

青衣水入江

若水入江

延江水入酉水

温水入鬱注南海

卷三十七

淹水入若水

夷水入江

澧水入江

浪水

桓水入南海

沫水入江

存水入潭水

葉榆河入鬱注南海

油水入江

沅水入江

卷三十八

資水 入江

湘水 入江

溱水 入鬱

漣水 入湘
澧水 入鬱

卷三十九

淮水 入溱

鍾水 入湘

洙水 入湘

瀏水 入湘

贛水 入江

深水 入湘

耒水 入湘

澧水 入湘

湄水 入湘

廬江水 入江

卷四十

水經注匯校

目錄

漸江水 入海

斤江水 入鬱

江以南至日南郡二十水

禹貢山水澤池所在